


書



對問編卷七目錄

後周宋元相似

宋元統系

唐玉潛

鄭所南

汪大有

虞伯生註

元祖像

年號相襲

數於改元

以隆紀元

唐宋科第考

避諱

相術

文貧錢痴

哭泣

墓祭

對問編卷七

新安江應曉覺卿著

男秉謙校

後周宋元相似

周之亡也以恭帝七歲建元顯德女主臨朝宋受周  
禪則庚申也曹彬以乙亥取江州宋之亡也以恭帝  
四歲建元德祐女主臨朝元入中夏則庚辰也呂師  
夔以江州降元正乙亥歲宋之亡也伯顏以丙子入  
臨安至丁丑正月而宋帝入廣再移惠州元之亡也

聖門統 卷七  
朱光卿以丙子倡亂至丁丑正月建國號於廣惠州  
民有聶秀卿者稱兵與光卿合

### 宋元統系

丘仲深曰自古無不亡之國而中國無絕統之理諒  
哉言矣予鄉胡太學廷瑞作宋統擬分壬申以前爲  
末宋紀癸酉以後爲後宋紀似不當以虛誕目之特  
於後紀疑焉趙王法師山童父子卽劉盆子耳未必  
真趙後也以冒昧不明之姓而承三十餘年之統不  
幾於贅疣乎或曰天下不可一日而無統也與其與

非我族類之夷狄不若與冒昧不明之宗姓也否則  
國統將誰寄乎予曰宋而無若人焉法師輩可以承  
統也宋而有若人焉又何需乎法師輩也宋之統系  
甚明子未之考之也恭帝以壬申十一月廢於沙漠  
乃德祐之五十八年也明年癸酉元順卽位相去未  
踰年也以順帝紹恭帝不可乎或曰元順可以紹宋  
恭則忽必烈而下九君皆統也胡爲乎削九君而與  
元順也予曰元順恭帝子也何以知之以宋遺民錄  
諸書沈周客座新聞知之也錄紀恭帝北狩世祖以

公主妻之未幾乞爲僧摯公主居沙漠易名合尊長子名完曾復誕少子時明宗爲周王亦遁沙漠與帝及公主善遂乞少子與其妻邁來的爲子長名妥懽帖睦爾卽順帝也新聞紀瀛國學佛法過朔北謁周王卽明宗也王見瀛國后罕祿魚氏郡王阿兒廝蘭之裔孫也愛而納之未十月生妥懽帖睦爾卽少子也黃溥閑中今古錄祖沈氏語及引水東日記詩則遺民錄中語矣二說稍異然均指其爲瀛國後也厥後明宗崩文宗寧宗相繼不永大臣請立文宗子后

曰吾子尚幼妥懽帖睦爾在廣西十三年矣且明宗之長子當立之是爲順帝先是順帝爲明帝子文宗竄之海南詔曰明宗在北之時自以爲非其子其詔草之虞集其議始之順帝乳母夫也又以當時余應詩劉秉中詞及我朝袁忠徹所記天語元順像驗之宋裔無疑矣以宋之正嗣承宋之正統予所謂統系甚明也天也不然恭帝北狩比六歲耳必其不天且折乎中原起義者咸以亡宋爲名必其不除滅乎必其公主下嫁乎必其誕少子乎必其與明宗往來相

善乎必其乞少子爲邁來的子乎必其舍已子立明  
宗子乎卽如沈氏言必其愛而納之如呂政故事乎  
皆天也皆天以正統還宋也丘仲深所謂無絕統之  
理也諒哉言矣

唐王潛

古今所傳唐王潛事無疑矣張孟兼不能無惑於王  
英孫鄭元祐以林德暘當之孔希晉惜林不得與孟  
兼註中謂德暘爲英孫客合王潛爲之是說得矣予  
觀白石樵唱及夢中詩蓋彼此爲採薇客而王唐越  
人林則甌人往來於越者實同功一體云宜傳藻氏  
得其說於黃文獻而希晉惜林之不與又識其事以  
釋孟兼疑也瞿宗吉歸田詩話載林義士塾周公謹  
癸辛雜志宋中官羅銑斂瘞之二家亦存以俟考今  
雙義廟則林唐二士

鄭所南

鄭所南之名之字之別號咸有取矣本穴世界大無  
二十空經咸有釋矣世獨莫測畫蘭故或謂芝蘭生  
於深林况潛德也審爾何不及芝耶予閱琴操仲尼

謂蘭爲王者香所南其帝鄉思與卽本穴等語也何以知之人或詢畫蘭不藉土荅曰一片中國地爲夷狄有吾忍畫耶故其詩招得香從筆硯來特見鄉國於筆硯間耳草木子載趙仲穆者子昂子也張伯雨題其墨蘭詩曰近日國香零落後王孫芳草遍天涯仲穆遂不復作尤爲國香証也曩予跋此語於遺民錄後自謂得所南心事踰年閱都玄敬寓意編一國之香一國之殤懷彼懷王於楚有光始知所南亦會自露其心事也

人林則甌人往來於越者實同功一體云宜傳藻氏得其說於黃文獻而希曾惜林之不與又識其事以釋孟兼疑也瞿宗吉歸田詩話載林義士塾周公謹癸辛雜志宋中官羅銑歛瘞之二家亦存以俟考今雙義廟則林唐二士

鄭所南

鄭所南之名之字之別號咸有取矣本穴世界大無二十空經咸有釋矣世獨莫測畫蘭故或謂芝蘭生於深林况潛德也審爾何不及芝耶予閱琴操仲尼

謂蘭爲王者香所南其帝鄉思與卽本穴等語也何以知之人或詢畫蘭不藉土荅曰一片中國地爲夷狄有吾忍畫耶故其詩招得香從筆硯來特見鄉國於筆硯間耳草木子載趙仲穆者子昂子也張伯雨題其墨蘭詩曰近日國香零落後王孫芳草遍天涯仲穆遂不復作尤爲國香証也曩予跋此語於遺民錄後自謂得所南心事踰年閱都玄敬寓意編一國之香一國之殤懷彼懷王於楚有光始知所南亦曾自露其心事也

汪大有

竊怪文丞相讀王昭儀滿江紅歎曰惜也夫人少商量矣蓋以荆聶望之爲其得近君側也汪大有以琴事元祖得以爲所欲爲文相相與往來於燕者頻且密何不以望昭儀者望之西湖志餘元祖聞大有善琴召入侍鼓一再行駸駸乎漸離之志而無便可乘也已得文相之心矣不然孫供奉尚識擊朱三矧大有耶

虞伯生註



杜註十數種近世獨傳趙子常虞伯生二家昔人謂子常經學得之黃楚望詩學得之虞伯生詹士南狀子常館於伯生家一歲伯生稱其非掇緝傳會比授受之間亦契合矣何二家體裁絕不類也曹以寧長語元進士張伯成註杜詩演義惜其少傳今人作虞伯生蓋冒前人之作予疑伯字誤與董文玉序趙註予聞長老先生言虞註亦後人依托爲之非伯生自著也予以爲知言不然何註二百六十餘詩無一語及師耶合二家言虞註非伯生明矣

元祖像

世言我高皇令工人製元祖像像夜輒有淚痕

高皇撫而諭之乃已予每向人言疑信者半殆未考魏明時取長安承露盤金狄泣彼像人而用之猶然矧桀胡哉晉惠時殿前六鍾忽涕出未幾墉城金屑執蓋更衣鍾鏞且然矧象人而用之哉二事載晉書五行志又洛陽伽藍記北魏孝昌間洛陽寺金身垂涕濕體明年爾朱榮入洛誅戮百官殆盡竊憤錄宋靖康改元迎春芒神淚滴襟是年二帝北去劉

禹錫嘉話蔡州旣平吳少誠德政碑流汗成泥尤異也高大行澄使琉球錄天妃廟中有臨水夫人妃妹也每面上有汗珠卽知其海上救人還殆親試之

年號相襲

年號始於漢武建元而別禪代昭世數紀年歲新耳目厥功茂矣卽三五復作誰其異之顧須擇前所未有者如宋藝祖云也建隆而上不然漢章元和唐憲襲之漢安永初宋武襲之漢順永和晉穆襲之漢冲永嘉晉懷襲之漢禪建興晉愍襲之晉奕太和唐文

襲之陳後至德唐肅襲之以至漢武建元晉康齊高襲之光武建武晉元齊明襲之漢和永元元興襲之者東昏晉安也桓帝元嘉永康襲之者宋文晉惠也唐中宗不改武后之神龍梁末帝追承太祖之乾化劉知遠稱晉之天福漢隱帝用父之乾祐周太祖改元顯德而世宗恭帝不易焉則三朝用之矣元祖至元而元順襲之其謬又甚於世宗以後諸君也此特正朔相承易聞易見者耳他如秦符堅之建元寶之永康燕憑跋之太平北凉之永和石

石勒李勢之太和遼主烈之襲宋高同年  
魯直之襲宋真同代而天禧展轉相蹈又未易

數於改元

帝王數於改元多非令主漢世武帝十四元桓帝七  
元索文景之元氣而招董曹之間鼎者二君也唐世  
高宗十四元昭宗七元啓武嬰之移唐而來朱三之  
篡李者二君也徽宗六元而女真興理宗八元而蒙  
古作促宋運者非二君而誰則天改元凡九梁武改  
元凡七自我得之自我失之者也宋仁恭儉四十二  
年而改元者九千年間一君耳終令德之累

以隆紀元

自古以隆紀元者年多不永兩漢未有之晉則哀帝  
隆和一年而改安帝隆安五年而改唐則高宗永隆  
一年而改中宗景隆三年而改宋世建隆紀於太祖  
竟三年隆興紀於孝宗竟二年遼主四年而壽隆金  
主六年而正隆北齊後主二年而隆化抑有甚者南  
齊鬱林王改元隆昌七月而海陵王以延興易  
未有至七年者抑偶然耶

唐宋科第考

進士科始於隋大業貞觀尚稱進士第一人狀

名自杜易簡始實唐高宗之咸亨元年也唐無父子  
狀元宋無兄弟狀元唐崔昭緯崔昭矩歸脩歸係乃  
兄弟宋梁顥梁固張華張師德乃父子也二宋則別  
論揚用脩狀元考開元五年王維大曆十四年王縉  
恐非輞川兄弟也維傳開元九年擢進士或云第開  
元初此爲摩詰未可知若縉當肅宗時拜黃門侍郎  
代宗時位宰相大曆十四年乃代宗之末也安有  
宰相復第狀元耶矧縉與元載同論死代宗憫其老  
貶括州又在大曆十四年之前矧開元初至大曆末  
六十餘年矣兄弟登第相去之遠乃至是耶顧史稱  
其兄弟文辭清麗俱科上第則又不能無疑豈縉第  
狀元時與兄未遠楊錯考耶抑大曆間別有王縉耶  
梁固以大中祥符初及第時顥沒矣次年張師德繼  
之魏野以詩賀曰封禪汾陰連歲榜狀元俱是狀元  
兒

避諱

徐積不踐石未聞顏淵不繇路也劉溫叟不遊  
未聞伯魚不踰丘也梁有臧逢世父名嚴凡書嚴  
必泣使魯考公泣禽孔子思泣鯉猶之可也若魏公  
子楚太子之子泣蟣虱司馬長卿王脩之子泣犬狗  
可乎

### 相術

仇筆池記一僧相歐陽永叔唇不著齒無事得謗竟  
亦多驗有相術指予亦坐是予數遭之輒廢鏡忿恨  
不識當日直不疑第五倫輩唇何以耶抑尤可笑相  
家以齒爲內學堂善者法當贍文學予齒少善而寡  
陋不學抑又何哉餘冬序錄一星士言何子元官勝  
祿貧殆不免一相者則指祿勝官法自髭髯論之上  
祿下官以其髭豐髯嗇也子元笑曰措大乃復有此  
拗命口乎予笑曰措大亦拗相齒矣

### 文貧錢痴

世謂文能貧人錢能痴人殊覺未盡王爵如陳思侯  
封如武庫無論已王子安金帛盈室李謫仙散去黃  
金三十萬謂貧可乎散而復積如陶朱結駟連騎如

端木無論已呂文信以貲遊秦楚間竊人之後而奪其國卜式父子輸粟助邊取侯印而佩之謂痴可乎諺曰文士不貧驕傲殺人村漢不富乞食莫路此特語乘除耳

### 哭泣

史記箕子過殷故墟欲哭則不可欲泣則近於婦人索隱曰婦人之性多涕泣也如二司馬言婦人專泣矣按舜號泣於旻天禹泣罪人啓呱呱而泣楊朱泣岐卞和泣玉則泣不特婦人也又按二女哭舜於蒼

梧公父文伯死其母敬姜不哭華周杞梁之妻善哭其夫吳起爲卒吮疽卒母哭之是婦人亦哭禮記喪問篇女子哭泣悲哀擊背傷心男子哭泣悲哀稽顙觸地無容是哭泣通用矣或曰泣哭之細也孟書亦云哭泣之哀

### 墓祭

漢永平元年率公卿朝於原陵光武墓也蔡邕曰古不墓祭今見威儀察其本意明帝至孝惻隱不可易若謂墓祭自東漢始也予觀漢書始皇起寢陵殿於

墓側漢因之不改四時上飯先秦西漢已行之矣孟  
氏書東廓墦間之祭戰國時已行之矣禮經宗子去  
國庶子無廟孔子告以望墓爲壇而祭春秋時已行  
之矣遯而上之太甲桐宮居憂正思其所樂思其所  
嗜時也三年之間無祀事耶神禹殂落於會稽冀方  
非無七廟也少康封無餘於越春秋祠之則夏商已  
行之矣孰謂墓祭非古耶世謂周禮無墓祭之條不  
過曰冢人掌公墓之地凡祭墓爲尸而已釋之者曰  
祭后土冢人爲尸也今世墓祭必先后土則周制不

遺墓中人可知豈專祀后土耶良以周家禘祫蒸嘗  
至精且悉獨墓祭少畧其文耳後世遂疑禮經無墓  
祭也胡明仲不考舊章以漢明原陵之祭爲非又謂  
邕不折衷聖人之制而直論其情且曰旣以送形而  
住安乎地下迎精而反主於廟中而致隆於陵園上  
食奏樂皆違禮也不思禮緣人情而起乎丘仲深曰  
祖宗體魄所藏子孫漠然以土壠視之閱歲踰時不  
一展省焉其情安乎情之所不安義之所不當此禮  
所以貴乎義起也南昌張吏侍元稹作思禮堂記其

畧曰墓而藏者體魄也廟而祭者魂氣也魂氣無所  
不之墓焉廟焉孰有而孰無也孝子之於親食則見  
於羹坐則見於寢視其柩捲而不能舉矧於體魄所  
在而可恣不之思漫不之省乎亦仲深意也至謂墓  
祭乃三代所當益而後世不可損夫謂後世不可損  
是矣若三代則已行之但不若廟中之四時皆祭以  
致其文未著其儀未傳耳何庸益

對問編卷八目錄

事類

四李杜三蘇李優劣

事始

生沒同辰

分定

相術

袁氏相

錄命



前身

轉世

內典

長明燈

匿身緇流

宦官授室

再室

祖孫相似

十九年

撰述

對問編卷八

新安江應曉覺卿著

男秉謙校

事類

棄子抱姪人知有鄧伯道不知有魯義姑長枕大被  
人知有唐玄宗不知有姜伯淮進有身之婦人知有  
呂不韋不知有春申君殺愛妾以餉飢士人知有張  
睢陽不知有漢臧洪遺敵人以女子服人知有孔明  
不知有隋杜伏威十九年奉使不屈夷庭人知有蘇

子卿不知有宋翁家鉉五侯驕侈人知有外戚王商家不知有誅梁氏單超五官五桂竇氏人知有儀儼兄弟不知有羣輩兄弟十八學士人知有杜如晦等登瀛洲不知有張說等圖像於含象亭人知淮南客蘇飛雷被輩爲八公不知有晉武時司馬孚王祥諸人人知東漢李膺杜密輩爲八俊不知有陳留格輔元王孝逸諸人人知南朝阮瞻謝鯤輩爲八達不知有司馬家朗懿諸人人知香山白居易輩爲九老不知有宋至道中李昉諸人人知睢陽杜衍輩爲五老

不知有唐高年同榜劉象諸人人知漢荀氏八龍不知有唐崔氏瑄琪兄弟人知漢三傑而不知唐丞相宋璟張說太子少傅源乾曜同日拜官明皇賜三傑詩時號三傑宋程顥張山甫朱光庭三簿亦號三傑人知唐四傑不知宋韓范富歐亦號四傑人知馬援封伏波將軍不知前有漢武時路博德後有魏夏侯惇人知葉令王喬飛舄不知周靈王子喬吹笙蜀人王喬食肉芝見神仙傳又史記封禪書註緱氏仙人廟王僑捷爲人人知葛洪爲仙翁不知梁天同時有

葛瓚人知赤松子為子房師不知晉初平屯石者易  
 姓為赤松子成仙人知平原君為趙公子勝不知有  
 漢朱建人知萬石君為石慶不知有東漢秦彭元王  
 磐人知徐穉下陳蕃之榻不知有周璆見蕃傳中人  
 知晁錯號智囊不知前有秦樗里子後有魏桓範人  
 知孟嘗君為田文不知前有與吳起論功者後有相  
 工相常賢丙吉王霸相繼為相者五龍有三汝南周  
 少卿子北海公沙穆子燉煌人同入太學知名四友  
 有三魏文帝友司馬懿輩吳太子登友諸葛恪輩謝  
 靈運友謝惠連輩公孫弘有五一在齊為孟嘗君見  
 秦昭王一在中山為參乘名司馬喜一在越斷髮為  
 王騎一在明帝時交通楚王英

四李杜三蘇李優劣

洪景盧述四李杜都玄敬紀三蘇李咸不言杜李不  
 言李蘇恐亦次第其品質帝方崩固獨伏屍正辭立  
 嗣遺書跋扈喬雖薦何清啓之者固也膺抗勁節實  
 武以伊呂疏之史稱密與膺名相次時論別矣弘農  
 掾眾傷雲以忠獲罪上書同死襄楷稱為李杜實雲

唱而衆和之太白天趣真逸三百篇之遺乎子美格  
調森然後世之法律駸駸矣子卿與陵無論已味道  
于嶠文章士也同事易之並坐黨附無足評者然史  
稱味道友愛而嶠則詞翰而外無聞焉蘇頲獻可替  
否奉公茂私宋璟且敬憚之名顯當世乃餘緒耳李  
又特以對掌書翰天子稱爲蘇李文行非無可觀何  
敢先題

事始

聽雨記談引列子史記等書証佛教入中國不始於  
漢明而穆王始皇已神之瑯琊漫抄引優旃傳証萬  
歲之呼不始於漢武秦殿上已呼之

生沒同辰

歲華紀麗釋迦佛以四月八日生於母之右脇年十  
九四月八日往雪山學道後六年成佛亦四月八日  
今人但識其生辰耳邵伯溫記南唐李煜以七月七  
日生亦其卒之辰也吳越王錢俶以八月念四日卒  
亦其生之辰也藝苑卮言曾布卒年月日時皆逢卯  
韓絳卒年月日時皆逢辰韓發解南省殿試皆第三

以熙寧三年三月三日卒金有田轉運特秀者生於五月五日卒亦八月五日行五小名五兒所居里名半十鄉府省殿四試俱第五得第時二十五歲壽止五十有五尤異也

分定

唐太宗微時與王顯善及登極故不貴之爲其福薄也玄齡固請錫之三品服是夜卒陳希亮得黃白術輒失官遂大作爲田宅計術驗而癰指死韓魏公有客郭注年五十尚未授室韓以侍兒事之未及門死

臨沮富人鄧差道逢一估人同食初未之識也差曰君遠商何事美食估人曰人生爲身口耳一死安能復進甘味不效臨沮鄧爲守錢奴差不告姓名歸宰鵝食動筋齧骨咽死一鵝一女子尚爾分定矧三品服黃白術耶

相術

漢黃霸與一相者同車見指巫女當貴霸卽妻之與終身後果丞相封侯五代李崇訓守貞子也相者聞其妻符氏聲驚曰天下母也守貞曰吾婦猶爲天下

母况吾兒乎吾取天下何疑遂反及敗父子焚死周世宗納符氏爲繼室尋冊皇后此黃以女致福而李以婦招禍也梁有相者目張昭達曰卿貌甚善須小虧當富貴已而墮馬傷髻曰未也已而流矢眇一目曰善矣果爲司空賈似道少時一道人瞪視曰官人自愛將來不在韓魏公下旣而醉博破面復驚惜之曰天堂已破必不令終此張去其惡而賈失其美也單父呂公重漢高狀貌以女妻之後王諸呂唐太宗方四歲一書生相其濟世安民高祖懼語泄追殺之而不及此呂以相法起家而書生幾於不免也周太祖見隋文帝風骨不凡遣趙昭相之昭詭曰柱國耳陰謂隋文曰公當爲天下君隋文懼深自晦匿此唐高得其術於隋文而復秘之吾見也

袁氏相

四明袁氏相術稱神技矣予獨二事未了庚巳編忠徹相一童子不利於主使逐之後童子棄去不拾遺金武弁異焉養爲已子竟襲爵歸仍故服見之袁驚曰此故某耶何以至三品武臣也形神頓異豈善事

致茲乎閑中今古錄王靖遠驥爲京兆尹患病甚袁  
視之不可起亟請見夫人曰無妨夫人貌當一品已  
而封伯向使童子不再見夫人不得請袁無後喙矣  
人將謂袁何

錄命

長平非盡犯三刑南陽豈俱當六合唐呂才非錄命  
家語也後魏孫詔謂辛雄曰此中人尋死盡惟我與  
卿享富貴已而果然詔故善錄命者豈三刑六合亦  
偶爾類聚與退之以磨蝎爲身宮子瞻以磨蝎爲命

宮致謗譽多同漢高與廬綰同里同日生及長同學  
舍同起事一帝漢一王燕李濬與宗諤同宗祿山與  
思明同里二各生同年月而先後一日休咎無大異  
韓蘇可知矣顧難以一語盡一家術泥之天時有歲  
差也土地有分野也氣運習尚有推移也高子業與  
僞漢友諒同干支時異之矣趙韓王與一軍校同干  
支地異之矣南渡後術者言向時占得祿貴生旺是  
貴人今士夫帶刑殺衝擊是貴人不見今之官人以  
殺人爲事乎氣習異之矣兼三才而貫之能幾人哉



一不備則推演愆推演愆則舉其說而荒誕之矣非說之果誕亦業之未精也昔蔡家伯仲叩命於僧化成化成以武臣目之曰衣食不缺而已既而指元度曰比登第十年侍從十年執政夫大謬於伯而仲無一語遺豈其畧刻爽與抑亦術之得此遺彼與文文山贈朱斗南序說之詳矣未可謂術之盡無也要之姑布子卿之法顯而易見管公明郭景純之技邃而難通較虛中尤屢中也虛中李姓唐室善錄命者

前身

餘冬序錄唐奚官劉三復自言前身作馬渴則望驛而嘶傷蹄則心痛西湖志餘宋沈邁知杭州諸堰集牛以備牽挽衆忽聞語云沈幾知子知杭州耶吾輩明日又一番辛苦因悲咽欷歎衆審其非俗流蹟之乃堰下牛有墮淚者始知邁爲幾子牛爲邁父執也夫蠢類尚爾無惑乎羊叔子金環蜀文澹香囊也

轉世

語轉世者謂房瑄爲永禪師張方平爲瑯琅僧馮京爲五臺僧蘇子瞻曾受五祖戒黃庭堅曾誦法華經

真西山本草菴和尚我朝胡忠定澗本天池僧諸家爲世名人宜矣史彌遠實覺長老後身卒以誤國敗豈覺戒尚未淨耶其曰此念一差終當墮落覺覺之矣近世王文成有開關原是閉關人之語豈曹溪輩爲之

內典

顧元慶簷曝偶談引玉牒風鑒云聞聲而人喜者會結萬人緣作事而人喜者會度千人劫聞聲而人惡者會負宿世債作事而人惡者會滅衆人德此古德

語也趙善瑯自警編一僧宿人門外盜入其家携婦人併衣囊出僧慮疑及已急走去墮枯井婦人已殺在井中矣主人得之報詣官僧誣服不辨一語直曰某前生當負此人彼來因之說雖微言不出吾書然有無因致前者宜以若語遣也

富鄭公居洛喜人出家子瞻以畜髮爲參寥子吊子由以削髮爲兪才老勸殆爲覺者道也若毀禁之侶何以緇爲顏之推曰內教多途出家自是一法耳若能誠孝在心仁惠爲本不必剃落頭髮豈令罄井田

而起塔廟窮編戶以爲僧尼哉非法之寺妨民稼穡無業之僧空國賦筭非大覺本旨

顏之推歸心篇三世之事信而有徵項橐顏回之短折原憲伯夷之凍餒盜跖莊蹻之福壽齊景桓魋之富強若引之先業冀以後生更爲通耳顏蓋嗜內典者南齊陳子良謂范縝曰君不信因果何得有富貴貧賤縝曰人生如樹花同發隨風而散或拂簷幌墜茵席之上或關籬墻落糞溷之中墜茵席者殿下是也落糞溷者下官是也貴賤雖殊因果何在齊梁當

崇信釋氏時不意有此特士

長明燈

佛之爲言覺也內覺心性外覺羣迷其爲體也空寂中長生光慧其爲用也幽暗處長普靈臨長明燈取之此維摩經所謂無盡燈也非香火不斷之謂故其衣鉢流衍機詮授受祖祖以傳燈喻吳僧道原而下五燈諸錄是已王介甫曰何爲日月燈明佛呂吉甫曰日月迭明而不能金明金其明而破諸幽暗者惟燈爲然此釋氏燃燈宗旨也高士邁作長明燈頌大

陽之精昃則沒我長明燈不沒太陰之精虧則盡我長明燈不盡直上照一天二天至三十六天無門不開恒沙善人由茲而入直下照一地二地至十八地有獄皆開多劫罪人由茲而出大都破諸幽暗語也天門地獄乃善惡兩途之法象耳元揭文安作長明燈記又別爲議論其曰燈者所以繼日月之明也日雖至明而不能恒乎夜月雖至明而不燭乎晝故必假膏火以濟其明猶人君雖極明盛不能遍觀必假乎臣以達乎明而被乎物是籍梵瞿之法偈宏姬孔之名教也

匿身緇流

世傳駱賓王落髮靈隱中以其續宋之問詩也予疑駱宋生同世仕同朝不宜慢藏若此卽技癢如生死何滄海浙江之應未必真駱生也及讀唐史敬業敗走入海其將王那相斬之以獻傳首神都無復有生敬業矣山野客叢乃言爲僧衡山法名住括則敬業以走海時亡命那相故斬其贖者耳駱與敬業同心同敗其入靈隱信矣矧傳明言莫知所之耶 本朝

安化王伏誅同謀將軍龔材者俘京論死久矣後十年山僧大千和尚自稱龔材衆莫之辨安化宮人左寶瓶在浣衣局召驗之曰龔材殿下也大都黠傑之徒每遇敗亡往往匿身緇流中不特黃巢入四明山姚泓爲南嶽僧已耳巢出於辛雜志泓出叢書按唐史巢計感謂帳下林言曰若取吾首獻天子言斬之函首獻行在此爲敬業故智未可知晉史泓計迫子佛念言於泓曰降必不免不如引決登宮墻自投死泓將降王鎮惡以之屬吏月飲送至建康市斬之積

日持久恐不能贖叢書未可信也

### 宦官授室

或疑石顯乃宦豎何至有妻子同徒予按元末趙伯顏不花年踰三十且婚宦矣順帝憐其才而奄之

本朝洪武間奄通政曾秉正見七脩稿正統間奄教

授王振見閑中今古錄顯豈未腐時具妻子耶李嵩

有婿閻樂曹騰有子嵩此養子女耳無庸論已唐史

李千里上二閹兒高力士李輔國也彼以孺子下腐

久矣一娶呂玄晤女一妻元擢女何耶劉宋主子業

為山陰公主置面首左右三十人彼穢世不足道也  
漢竇太主乃與私夫董偃會葬於霸陵此與宦官授  
室尤異

再室

尹吉甫賢父也不免後妻之讒伯奇孝子也不免履  
霜之慘骨肉之間有慚德矣閔子騫父子各得之不  
賢於尹氏乎曾子妻死謂其子曰吾不及吉甫汝不  
及伯奇王駿妻死亦謂人曰我不及曾參子不如曾  
元管寧有言每省曾參王駿之言意甚嘉之竟不再

娶不尤賢於閔氏父乎北齊殷外臣子基每見後母  
輒感慕嗚咽家人莫忍仰視母亦悽愴不自容旬月  
求退此不可為則傳不云乎君安麗姬是傷公之心  
也基無傷公之心乎哉幸而有父如外臣焉則可否  
則不伯奇乎噫哀哉伯奇岌岌乎殆哉基也

祖孫相似

昭烈子禪昏懦面縛孫謀乃欲背城一戰殺妻子以  
見先帝謝玄子瑛頑愚不慧孫靈運文藻艷逸為詞  
流宗韓愈子皋金根莫辨文章家稱不肖而孫承狀

聖門緒 卷八  
元及第爲時聞人楊用脩題名考以承作袞

十九年

晉文公出亡十九年始得國庖丁解牛十九年始游刃有餘地陶朱居積十九年三致千金蘇子卿持筭十九年而歸漢翁家鉉使元不屈元人安置河間十九年遣還其家


撰述

史遷謂虞卿非窮愁不能著書以自見昌黎謂河東斥不久窮不極其文辭必不能自力以致必傳於後

雖得所願如將相有不以彼易此者皆自道也宋倪文卿志輿地自敘曰今世學者急利祿而務時文故不識者不肯目而識者未暇觀也陸子淵悲其言而惜其以布衣著書力不能傳嗟夫傳不傳奚足爲文卿慮矧以布衣爲傳否耶予特悲文卿急急人識耳嚴光謂桓譚曰雉書傳乎譚曰傳顧君與譚不及耳耳及雉沒四十年而法言大行信哉後世有子雲也何急急人識哉

聖問編

卷八





書